

EHUko bost irakasle kaleratuen aurka kereila jarri du fiskalak

Irakasleok «gehiegikeriatzat» jo dute beraien kontrako neurria

EAeko Auzitegi Nagusiko fiskalburuak EHUko bost irakasle kaleratuen kontrako kereila kriminala jarri zuen atzo. Fiskalak nahasketa publikoa eragitea leporatu die irakasle hauei, Kode Penalak sei hilabete eta sei urteko kartzelarekin zigortzen duena. Irakasle kaleratuek bestalde, «gehiegikeriatzat» jo zuten beraien kontrako neurria.

BILBO



Juan Jose Goiriena EHUko errektorea.

Atzo goizean Getxoko epaitegian aurkeztutako kereila, Juan Jose Goiriena Gandarias EHUko errektoreak «irakasle ohiek zenbait klaseren kontra egindako boikotari buruz» fiskalari igorritako txostenean oinarritzen da.

Jesus Cardenal EAEko Auzitegi Nagusiko fiskalak salaketa onartzea, kausa instruitzea eta salatutako enerruduntasuna deklaratzea eskatu zion epaileari. Era berean, «lehenbailehen, horrelako gertakizunak galeratzeko beharrezko neurriak» hartzea.

Errektoreak igorritako dokumentazioa, Gizarte eta Informazio Fakultateko Dekanotzak landutako txostena eta Fakultateko Batzordeak eskatuta bi notarik jorratutako aktak frogamodura hartzea eskatu dio Fiskaltzak epaileari. Ildo beretik, salatutako irakasleei deklarazioa hartzea ere eskatu dio.

Gertakariak, fiskalaren arabera, nahasketa publikoko delitua izan daitezke. Kode Penalak bere 246 artikuluan jasotzen duenez, delitu hau sei hilabete eta sei urte

bitarteko kartzelarekin zigortzen da.

Iturri berberak 'El Correo Español' egunkariari adierazi ziotenez, «ikastetxe bateko partaide izan gabe, zentro horretako aretoetan bertako jardura normala hautsi, ikasketak askatasuna gutxietsi edo nagusien aginduen desobedientzia eragin dezaketen jarduerak egiteagatik presoaldi txikiarekin zigortuko dira».

«EZ DITUGU KLASEAK OZTOPATU» Atzo beren bulegoetan jarraitzen zuten irakasle kaleratuek, berriz, «gehiegikeriatzat» jo zuten neurri hau eta argi utzi nahi izan zuten ez dutela inor mehatxatu ezta iraindu ere. «Gure gara klaseak oztopatzea joan, klasea ematera baizik. Gure mobilizazioekin arazo bat dagoela adierazi eta, ikasleen zein gure eskubideak hausten direla salatu nahi genuen».

«Kartzelara eramaten bagaituzte», gehitu zuten, «harro joango gara, gure eskubideen eta

Klaustroak eskatutakoaren alde borrokatu dugulako. Ez gara kilduko. Gure borrokak agerian utzi du EHU autoritario, errepresibo eta espainola dela, baita Kazetaritza Fakultateko *progre*-en miseria orokorra».

Irakasle hauek «hipokresiatzat» jo zuten EILAS sindikatuak Unibertsitateko agintariei kaleratuekin negoziaketak hasteko egindako deia. «Sindikatu horretako kideak izan dira orain jasaten dugun errepresio giroa diseinatu eta ezarri dutenak. Alferrik da errepresiorako ate guztiak ireki eta horretarako kondizio aproposak jarri ondoren, orain negoziaketa hotsak hedatzen hastea», azaldu zuten.

Kaleratuen jokabidea Irakasle Asoziatu Mugimenduaren adierazle ez dela jakinarazi zuen EILASek. «Irakaslego propioaren alde borrokatzeagatik kaleratu gaituzte, beraiek hitz egiten eta papera banatzen goxo-goxo segitzen duten bitartean», gaitzetsi zuten iturri berberak.

Andoni Urrestarazu 'Umandi' euskalari arabarra hil da

GASTEIZ

Andoni Urrestarazu 'Umandi' euskaltzale eta euskara gramatikalaria hil zen atzo 91 urte zituela eta hileta elizkizunak atzo arratsaldean egin ziren Araia herrian (Arabak).

Umandi Araian jaio zen eta euskaldun berri egin zen gasetxoa zela euskara ikasteari ekin ondoren. Harrezkero Urrestarazuren bizitza guztia euskararen inguruan ibili da, hala euskalari modura zenbait testu idazteagatik nola euskaltzale gisa «akatsik eginik ere euskaraz egiteko» hainbat aldiz animatu izan baitu Araban. Umandi Euskaltzaindiko kidea zen.

Umandik euskara ikasi eta berehala euskara irakasle egin zen. Horregatik sona handia jaso du Araban, hainbat lagun irakaslea izan delako denboraren poderioz. Esaterako,

1991ko Araba Euskaraz-ek omendu zuen Peli Presa irakasleak Umandiren eskutik ikasi zuen 1947. urtean. Beraz, Urrestarazu euskaldun berriaren eredu gorenena da Araban.

Bestalde, Umandik euskalari gisa bide luzea urratu zuen. Berrogeita hamarreko hamarkadan hasi zen liburuak argitaratzen, gramatikari buruzkoak baitipat. Adibidez, 1955ean Donostiako Julio de Urkijo mintegiak 'Bizkaierazko aditz erak' obra argitara eman zuen. 'Euskararen gramatika' eta gramatikari buruzko bi ale ere plazaratu zituen. Horrezaz gainera, hainbat kolaborazio egin zituen Frantziara erbesteratu eta gero. 'Euzko Gogoan', 'Euzko Deyan', 'Egi Billa' eta abarretan idatzi zuen. 1962an Parisen 'Euskal Kulturaren Aldeko' idazkari izendatu zuen.

Nairobitarrean Bosniara laguntza bidaltzeko kanpaina Tolosaldean

DONOSTIA

Bosniako gerratik ihes egindako errefuxiatuei laguntza bidaltzeko kanpaina berezia antolatu du Nairobitarra autobus ezagunean ibiltzen ohi den Tolosako (Gipuzkoa) taldeak. Lagundu nahi duen Tolosa bertako eta inguruetako jendeak aste honetan utzi beharko du errefuxiatuentzako bidali nahi duena, Tolosako Igarondo zinemaren, udaletxe zaharra zegoeneko tokian.

Janaria eta botikak eraman nahi dituzte Nairobitarrean batez ere, baiña baita eskolako

traste eta arropak ere. Nolanahi, zer eraman eta nola jaso duten zehazteko gaur bertan bilera egingo dute arratsaldeko zazpitan. Jugoslavia ohiko gerrak bukatzeko itxurarik ez duela eta egoera «benetan larria» delako usteak bultzatu ditu Nairobitarra taldekoak kanpaina hau indarrean jarri eta beren autobus berezi horretan garraiatzea. «Autobusaren sinboloa erabili nahi dugu, badakigulako ezaguna dena eta agian jende gehiago eta jende ezberdina laguntza kanpaina honetan inplikatzeko balioko digulako», azaldu digu Josu Izuetak.

Donostian hezur-muin trasplantea egin dioten emakumea ondo dago

DONOSTIA

Iragan ostiralean Donostiako Arantzazuko Andre Maria eritexean hezur muineko trasplantea egin zioten emakumeak orain arte «normaltasunez egin du hobera». Jabier Arrieta trasplantea zuzendu zuen medikuak atzo jakinarazi zuenez. Dena dela, hemendik bi edo hiru astera arte ezingo da ziurtasunez esan gaixoa sendatuko den, «denbora epe hori beharrezkoa baita muin berriak behar bezala funtzionatu duen ala ez jakiteko», argitu zuen Arrietak, «globulo zuri eta gorriak produzitzeko gai izango den baieztatzeko».

Hezur-muin trasplante honek

izan du berezitasunik. Izan ere, leuzemia zeukanez muin berri bat ezartzea zen emakume honek bizitzaren segitzeko zuen aukera bakarra, baiña bere senitarteko inoren hezur muina ez zen berearekin bateragarria. Eragozpen hori gairatzeko, Josep Carreras tenore katalanak sortutako Carreras Fundazioa emakume honentzako baliagarria izan zitekeen hezur muin baten bila ibili da mundu osoan. Azkenean, gizonetako frantziar batek eman dio hezur muinaren zati bat Donostian ebakuntza egin dioten gaixoari.

Honela, ostiralean bertan Dijongo eritexe batean kendu zioten hezur muinaren zatia emalea-

ri eta horretarako bereziki prestatutako hegazkin batean ekarri zuten Donostiaraino. Ordubete eskas iraun zuen ebakuntzak, eta normaltasuna izan zen ezaugarri nagusia. Horren ondoren, aipatutako eritexeko hematologi unitatean sartu zuten trasplantea egindako gaixoa eta bertan egon beharko du ebakuntzaren emaitzak onak diren edo ez jakin artean. «Gutxienez, hilabete egin beharko du ospitalean», adierazi zuen atzo Arrieta medikuak.

Donostiako Arantzazuko Andre Maria eritexean 76 hezur-muin trasplante egin dituzte 1984etik hona, eta arlo honetan EAEen esperientzia gehien duen ospitalea da dagoeneko.

KULTUR AKTIBITATEAK
EUSKARAZ: HITZALDIA
 Azaroak 23
 Arratseko 7.30etan
 Hizkuntz Eskolako Compañiako aretoan
 Ibon Sarasola
 Euskaltzain osoa. Unibertsitate irakaslea
 «Euskara batuaren 25 urte: orain arte arautu dena
 Nafarroako Ateneoarekin elkarlanean»